

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

KPDNHEP TELITI KAWAL SELIA PUSAT KECANTIKAN

PUTRAJAYA, 30 September 2022 - Kementerian Perdagangan Dalam Negeri Dan Hal Ehwal Pengguna (KPDNHEP) sedang meneliti saranan mengenai keperluan untuk mengawal selia pusat yang menawarkan perkhidmatan rawatan kecantikan.

2. Sebagai Menteri yang bertanggungjawab dalam sektor perdagangan dalam negeri dan kebajikan pengguna, saya berkongsi keprihatinan yang sama dan adalah menjadi perancangan kementerian untuk mengawal selia sektor kecantikan di Malaysia bagi memastikan industri ini dilaksanakan dengan teratur dan sistematik demi keselamatan pengguna.

3. KPDNHEP sentiasa menjalankan sesi libat urus bersama pemain industri pusat kecantikan dan Kementerian Kesihatan Malaysia (KKM) bagi mencari kaedah pengawal seliaan yang terbaik ke atas industri kecantikan di negara ini, dengan jangkaan nilai pasaran bernilai lebih dari USD999 juta menjelang 2026.

4. Melihat kepada potensi industri ini yang mampu memberi sumbangan besar kepada ekonomi negara, KPDNHEP mengambil langkah proaktif untuk meneliti kepelbagaian aspek dalam industri rawatan kecantikan, yang

antaranya melibatkan permintaan pengguna, rangkaian nilai, penggunaan teknologi dalam trend semasa rawatan kecantikan dan keselamatan pengguna.

5. Dalam hubungan ini, satu sesi libat urus KPDNHEP bersama United Kingdom's Vocational Training Charitable Trust (VTCT) telah diadakan baru-baru ini.

6. VTCT adalah sebuah pusat latihan kecantikan yang diiktiraf oleh Ofqual, sebuah agensi Kerajaan UK yang melaporkan secara terus kepada Parlimen UK bagi urusan kelayakan dan perundangan yang melibatkan latihan vokasional termasuk latihan rawatan kecantikan.

7. Dalam perbincangan itu, antara aspek penting yang diberi perhatian adalah:

- i. Pendaftaran pengusaha pusat kecantikan dan pekerja dengan memastikan mereka mendapat latihan kemahiran kecantikan daripada badan yang diiktiraf,
- ii. Memastikan mesin dan peralatan yang digunakan adalah peralatan yang didaftarkan,
- iii. Pengendalian kursus kemahiran, modul dan pensijilan dari badan yang diiktiraf ,
- iv. Melindungi pengguna melalui perlindungan insurans, dan
- v. Bahan-bahan dalam rawatan adalah yang disahkan selamat oleh KKM.

7. Kesemua aspek di atas telah dibincangkan bersama VTCT untuk melihat bagaimana ia boleh diaplikasikan di Malaysia selain memperhalusi keperluan perundangan dan kawal selia secara pentadbiran bagi memastikan industri kecantikan di Malaysia dapat memberikan keyakinan kepada pengguna melalui rawatan yang selamat.

8. Kesemua usaha yang dijalankan ini diharap dapat membantu memperkukuhkan industri kecantikan yang bukan sahaja dapat menjana pendapatan kepada negara tetapi juga menjamin kualiti keselamatan pada tahap yang tinggi kepada pengguna.

YB DATO SRI ALEXANDER NANTA LINGGI

Menteri Perdagangan Dalam Negeri dan Hal Ehwal Pengguna

PUTRAJAYA, 30 September 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapkan dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

